

Na osnovu čl. 184. i 185. Poslovnika o radu Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08), na **Prijedlog zakona** o porezu na dohodak, **Vlada Federacije Bosne i Hercegovine predlaže sljedeće amandmane:**

AMANDMAN I.

U članu 8. stav (2) dodaje se nova tačka v) koja glasi:

„v) prihodi na ime pomoći koju fizička lica primaju od lica iz člana 15. stav (1) tačka a) ovog zakona“

OBRAZLOŽENJE

U prihode koji se ne uključuju u osnovicu poreza na dohodak dodaju se prihodi koji ostvaruju fizička lica – građani u vidu poklona od svoje uže porodice. Iako je ovo pitanje uređeno kantonalnim propisima, ovaj prihod uključen je i u izuzete prihode od poreza na dohodak, iz razloga različitog tumačenja kantonalnih poreznih propisa, te da bi se u svakom slučaju izbjeglo oporezivanje pomoći koju dobivaju lica od svoje porodice.

AMANDMAN II.

Član 12. mijenja se i glasi:

„Član 12.

(Stope poreza na dohodak)

Porez na dohodak plaća se po stopi od:

a) 10%

b) 13%“.

OBRAZLOŽENJE

Predloženim izmjenama odredbi vrše se izmjene stopa poreza na dohodak i to 10% i 13%, a dalje je kroz zakon uređeno da se svi dohoci s izuzetkom dohotka od ulaganja kapitala odnosno dividende oporezuje po jedinstvenoj stopi od 13%. Dalje je kroz lični odbitak uvedeno progresivno oporezivanje dohotka od nesamostalnog i samostalnog rada s razlogom zaštite tzv. niskog dohotka koji je postavljen na granici od 800,00 KM, a porezni teret je prenesen na ostali dohodak. Zaštita dohotka iz osnove radnog odnosa, a koji iznosi ispod 800,00 KM na mjesečnom nivou, kroz uvođenje ličnog odbitka će se odraziti kao nulta stopa poreza na dohodak na primanja do 800,00 KM. Na ovaj način zaposlenici sa primanjima do 800,00 KM oslobođeni su plaćanja poreza na dohodak.

AMANDMAN III.

U članu 17. stav (1) tačka b) iza riječi: „26/16“ dodaju se riječi: „i 89/18“

U stavu (5) tačka g) se briše.

U dosadašnjoj tački h) koja postaje nova tačka g) riječi: „70,00 KM“ se zamjenjuju riječima: „80,00 KM“

Tačka i) se briše.

OBRAZLOŽENJE

U članu 17. stav (1) tačka b) vrši se pozivanje na Zakon o radu Federacije BiH („Službene novine Federacije BiH“, br. 26/16 i 89/19), te je iz tog razloga izvršena dopuna broja Službenih novina Federacije BiH.

Tačke g) i i) koje se brišu su odredbe kojim je bilo je propisano izuzimanje iz prihoda od nesamostalne djelatnosti naknada na ime prijevoza i naknada toplog obroka. Proširenje porezne osnovice za naknade na ime prijevoza i naknada toplog obroka omogućavaju Federaciji BiH značajno smanjenje doprinosa od 9%, odnosno sa sadašnjih 41,5% na 32,5%.

Kroz novu tačku g) vrši se usklađivanje iznosa na ime uplate za dobrovoljni penzijski fond sa odredbama ličnog odbitka s obzirom da je isti povećan sa predloženih 700 KM na 800 KM.

AMANDMAN IV.

U članu 27. stav (2) riječi: „stopama iz člana 12. ovog zakona od svakog pojedinačnog iznosa prometa sa pravnim licima naplaćenog bezgotovinski. Obustavljeni i uplaćeni porez od bezgotovinskog prometa ostvarenog sa pravnim licem smatra se konačnom poreznom obavezom.“ zamjenjuju se riječima: „stopi iz člana 12. tačka b) ovog zakona od svakog pojedinačnog iznosa prometa sa pravnim licima naplaćenog bezgotovinski.“

OBRAZLOŽENJE

U članu 27. stav (2) vrši se pozivanje na stopu poreza na dohodak za samostalnu djelatnosti u svrhu u skladu sa izmjenama koje su izvršene kroz amandmane.

AMANDMAN V.

U članu 39. stav (1) tačka a) iza riječi: „kamate“ dodaju se riječi: „ili njenog funkcionalnog ekvivalenta“

U stavu (2) tačka a) se briše.

Dosadašnje tač. b) do d) postaju tač. a) do c)

OBRAZLOŽENJE

Usljed razvoja novog načina poslovanja i novih vrsta naknada koje su po svojoj svrsi iste kamata, dopunjuje se pojam kamate, s ciljem sprečavanja različitog tumačenja i erozije porezne osnovice.

U stavu (2) tački a) bila je propisana kamata na oročenu ili rentnu štednju koja se pripisuje poreznom obvezniku kao prihod koji je oporeziv porezom na dohodak, te se predloženim izmjenama u amandmanu briše.

AMANDMAN VI.

U članu 42. stav (3) tačka c) riječi: „*vrhunskim*“ se brišu.

U tački d) riječi: „*vrhunskim*“ se brišu.

OBRAZLOŽENJE

S obzirom da se u zakonu navode vrhunski sportisti koje kao takve još ne prepoznaje zakonodavstvo, predlaže se brisanje priloga vrhunski uz sportiste.

AMANDMAN VII.

U članu 46. stav (3) riječi: „*stopa iz člana 12.*“ zamjenjuju se riječima: „*stope iz člana 12. tačka b).*“

OBRAZLOŽENJE

U članu 46. stav (3) vrši se pozivanje na stopu poreza na dohodak za nesamostalnu djelatnosti u skladu sa izmjenama koje su izvršene kroz amandmane.

AMANDMAN VIII.

U članu 47. stav (3) iza riječi: „*prethodni mjesec*“ briše se tačka i dodaju riječi: „*primjenom stope iz člana 12. tačka b) ovog zakona*“

OBRAZLOŽENJE

U članu 47. stav (3) vrši se pozivanje na stopu poreza na dohodak za samostalnu djelatnosti u skladu sa izmjenama koje su izvršene kroz amandmane.

AMANDMAN IX.

U članu 48. stav (1) riječi: „8.400,00 KM“ se zamjenjuju riječima: „9.600,00 KM“

OBRAZLOŽENJE

U članu 48. stav (1) vrši se izmjena iznosa ličnog odbitka koji je iznosio 700 KM na mjesečnom nivou, a ovim izmjenama i dopunama se povećava na 800 KM na mjesečnom odnosno 9.600 KM na godišnjem nivou.

AMANDMAN X.

U članu 50. stav (7) riječi: „stopa iz člana 12.“ se zamjenjuju riječima: „stope iz člana 12. tačka b)“

OBRAZLOŽENJE

U članu 50. stav (7) vrši se pozivanje na stopu poreza na dohodak za dohodak od imovine i imovinskih prava u skladu sa izmjenama koje su izvršene kroz amandmane.

AMANDMAN XI.

U članu 51. stav (3) riječ: „stopa“ se zamjenjuju riječju: „ stope“

OBRAZLOŽENJE

U članu 51. stav (3) vrši se ispravka padeža uslijed izmjene stopa.

AMANDMAN XII.

U članu 52. stav (4) riječi: „stopa iz člana 12.“ se zamjenjuju riječima: „stope iz člana 12. tačka b)“

OBRAZLOŽENJE

U članu 52. stav (4) vrši se pozivanje na stopu poreza na dohodak za dohodak od nagradnih igara i igara na sreću u skladu sa izmjenama koje su izvršene kroz amandmane.

AMANDMAN XIII.

U članu 53. stav (3) riječi: „stopa iz člana 12.“ se zamjenjuju riječima: „stope iz člana 12. tačka b)“

OBRAZLOŽENJE

U članu 53. stav (3) vrši se pozivanje na stopu poreza za ostali dohodak u skladu sa izmjenama koje su izvršene kroz amandmane.

AMANDMAN XIV.

U članu 55. stav (6) se briše.

OBRAZLOŽENJE

Članom 55. stavom (6) propisano je ovlaštenje za propisivanje obrasca prijave, a isto je i sadržano u članu 58. zakona, te se iz tog razloga predlaže brisanje.

AMANDMAN XV.

U članu 62. stav (1) riječi: „stopa iz člana 12.“ se zamjenjuju riječima: „stope iz člana 12. tačka b)“

OBRAZLOŽENJE

Članom 62. stav (1) vrši se pozivanje na stopu poreza za ostali dohodak u skladu sa izmjenama koje su izvršene kroz amandmane.

AMANDMAN XVI.

U članu 76. riječi: „u gotovom novcu,“ se brišu.

OBRAZLOŽENJE

Pitanje plaćanja gotovim novcem je uređeno Zakonom o unutrašnjem platnom prometu („Službene novine Federacije BiH“, br. 48/15 i ispravka 79/15) i Uredbom o uslovima i načinu plaćanja gotovim novcem („Službene novine Federacije BiH“, br. 72/15 i 82/15).

AMANDMAN XVII.

U članu 78. datum: „01.01.2019. godine“ se zamjenjuje datumom „01.01.2020. godine“.

OBRAZLOŽENJE

Imajući u vidu činjenicu da je sjednica Parlamenta Federacije BiH na kojoj se raspravlja o tekstu Zakona o porezu na dohodak zakazana nakon 01.01.2019. godine, a taj datum je naveden kao datum počeka primjene zakona, potrebno je izmijeniti datum jer bi u suprotnom pomenuta odredba značila retroaktivnu primjenu zakona. Predlažemo da početak primjene zakona bude 01.01.2020. godine s obzirom da je u pitanju porezni zakon koji zahtijeva primjenu od početka poreznog perioda odnosno kalendarske godine.